

# TSHEGOFATSO YA GO OBAMELA MELAO YA GA MODIMO BEKE 3

**Setlhogo:** Fa ke obamela melao ya Modimo, ke a segofadiwa.

**Mokgosi:** Fa ke obamela melao ya Modimo, ke a segofadiwa!

**Beke ya boraro:** Ke eng go tlhokafala gore ke obamele melao ya Modimo?

**Temana ya tlhogo:** Go sego ba ba utlwanng lefoko la Modimo, ba le boloka.  
Luke 11:28

**Dumelang bana!** A lo tsogile? A le itse se re buang ka ga sone mo bekeng e? Re bua ka **ditshegofatso tsa go obamela melao ya Modimo**. A le itse se se diragalang fa re obamela melao ya a Modimo? (mokgosi) Ke mang yo o gakologelwang gore re buile ka ga mang mo bekeng e fetileng? (Elija le Jesu) Elija le Jesu ba ne ba obamela melao ya Modimo ka tsela e ntseng jang? Elija o ile a ithuta eng ka go reetsa Modimo?

Re ile ra re re ka utlwa go tswa ko Modimong ka tsela e ntseng jang? Baebele, thapelo, le ka go reetsa Mowa o o Boitshepo. Ke gone! Modimo o le neetse megopolo e tshwanang le ya gagwe, le ditsebe tse di siameng gore le mo utlwe fa a le bolelela gore o ka obamela melao ya gagwe jang.

# POLELO:

*O tlaa tlhoka gore bana ba go thuse mo polelong e. Ke wena yo o tlaa ba bolelelang polelo, mme o dirise bana gore ba tshameke motshameko. Go monate tota go dira jaana, gape go dira gore bana ba nne ba reeditse. Gakologelwa gore ga se gore se tlaa itekanela, mme se tlaa nna monate. O bue thata ka dintlha tse di kgolo.*

## Daniele mo teng ga Serubi sa Ditau

Bana, a le batla go utlwa polelo?

Go siame, mme ke tlaa batla gore le nthuse. Ke mang yo o batlang go nthusa ka polelo gompieno?

Go siame, go siame. Ga ke na go le tlhopa lotlhe, mme ke tlaa batla gore le reetse polelo thata ka gore ke tlaa tlhoka botho ba bangwe gape gore bo nthuse fa polelo e tswelletse. Reetsang thata, le ipaakanyetse go bidiwa go tlaa go nthusa fa ke le tlhoka, le a utlwa?

Fa ke obamela Modimo, go diragala eng? (Ke a segofadiwa){Mokgosi}

Fa ka obamela Modimo, go diragala eng? (Ke a segofadiwa){Mokgosi}

Ke segofadiwa fa ke dira jang? (Fa ke obamela Modimo)

Go siame, ke tlaa tlhoka mongwe yo o tlaa tshamekang Daniele. Ke mang yo o batlang go tshameka Daniele? (Kgetha Daniele wa gago)

Daniele e ne e le mongwe yo o siameng, a rata Modimo. O ne a le botlhale, a le montle, e bile a itlhokomela.

A ke bone sefatlhego sa gago se se sentle, Daniele. (rotloetsa Daniele gore a direle bana sefatlhego se se kgatlhang)

Daniele e ne e le monna wa Modimo. O ne a rata Modimo ka pelo ya gagwe yotlhe, ka jalo Modimo o ne a mo segofatsa thata. Daniele o ne a rata go obamela melao ya Modimo. O ne a rapela Modimo ka dinako tsotlhe, go sa kgathalesege gore go diragala eng, ka gore Modimo a re re dire jalo

*Go siame, Daniele. Rapela.* (rotloetsa Daniele gore a khubame ka mangole)

Le fa e le gore Daniele o ne a sa ikutlwe go rapela, o ne a rapela Modimo e bile a obamela melao ya gagwe ka gore o ne a rata Modimo, o ne a dira se Modimo a neng a batla gore a se dire. *(Itumele Daniele, ka gore Modimo o go segofaditse).*

Daniele o ne a tshela kwa lefatsheng le sele, ko go neng go se na Modimo, e bile batho ba teng ba ne ba sa tseye ba bangwe sentle.

Go ne go na le kgosi.

Ke mang yo o tlaa nnang kgosi? Ke batla mongwe yo e leng gore o a tlotlega, ka gore o tlaa tshameka kgosi.

Ke batla go bona gore kgosi e lebega jang. *Ntshupegets a ka sengwe.*

Hela! Ka re o lebega jaaka kgosi tota.

Go ne go na le le banna na e leng gore ba ne ba na le dipelo tse di maswe. Ka jalo, ke kope bangwe ba ba tlaa iterang balotsana. Ba, ke banna ba dipelo tse di maswe (kgetha bana ba ba raro kana bane /3 kana 4).

*Mpontshang difatlhego tsa lona tse di tshwanang le tsa banna ba ba dipelo tse di maswe.*

Banna ba, ba dipelo tse di maswe, ba ne ba so rate Modimo. Ba ne ba le makgaga, e bile ba ne ba sa rate Daniele ka gore e ne o ne a siame.

*Lona banna (kana o re balotsana) supang Daniele ka menwana, le bo le nnela go mo tshaga.*

Mme Daniele o ne a se na sepe. O ne a tswelela ka go ithatela Modimo wa gagwe le ka go obamela melao ya gagwe go sa kgathalesege gore ba bangwe ba reng.

*Daniele, tsholets a diatla tsa gago, o lebege o ka re o baka Modimo.*

Ke gone.

Jaanong, banna ba dipelo tse di maswe ba ne ba bolelela kgosi gore e dire molao o Moša. Molao yo o o ne o re batho botlhe ba rapele kgosi fela e seng ope gape. Fa go ka nna le mongwe yo o tlaa rapelang Modimo o tlaa latlhelwa mo teng ga serubi sa ditau.

Se se raya gore Daniele o ne a sa letelwa go rapela Modimo gore a kgone go obamela melao ya gagwe.

Daniele o tlaa dira jang jaanong?

Daniele o ne a rata Modimo e bile o ne a batla go obamela melao ya gagwe, o ne a batla go dira se go feta sengwe le sengwe mo lefatsheng, go sa kgathalesege gore ga tweng, le fa go ne go twe o tlaa bolawa.

Ke gone bana, le rona re tshwanetse go obamela melao ya Modimo, go sa kgathalesege gore seemo se ntse jang. Gape fa re dira se Modimo a re se bolelelang, re a segofadiwa.

A re boneng gore go tlaa diragala eng ko go Daniele.

Ke mang yo o ka mpolelelang gore o akanya gore Daniele o ile a dira jang?

Le fa a neng a boleletswe gore ba tlaa mmolaya fa a ka rapelo Modimo, o ile a rapela Modimo ka gore o ne a mo rata, a batla go obamela melao ya gagwe.

*Daniele, khubama o rapele.*

Banna ba dipelo tse di maswe ba ne ba tlhola Daniele a sa itse.

*Banna, yang go tlhola Daniele.*

E be ba mmona a rapela Modimo.

E be ba siana ba ya go bolelela kgosi. (Daniele a tsweledise go rapela Modimo)

*Sianang, le ye go bolelela kgosi.*

Kgosi ya utlwa botlhoko ka gore e ne e rata Daniele tota, e ne e le tsala ya gagwe.

Mme, melao e ne e le molao.

A bo a latlhela Daniele mo teng ga Mosima.

Jaanong, ke batla ditau (kgetha bana ba ba bedi). Dirang modumo yo o tshwanang le wa ditau.

*Kgosi, latlhela Daniele mo teng ga mosima wa ditau.*

Go ile ga diragala eng morago ga moo, bana?

Ke mang yo o itseng?

Modimo o ne a romela moengele ko mosimeng yo Daniele a ne a le mo go one, gonne Daniele o ne a obamela melao ya ga Modimo.

Ke kopa moengele yo o mongwe fela. (kgetha ngwana yo o tlaa tshamekang moengele).

Moengele yo o ne a le maatla. A dira gore melomo ya ditau e tswalege gore di palelwe ke go utlwa Daniele botlhoko.

Moengele, tswala melomo ya ditau.

Daniele o ntse mo mosimeng malatsi a mabedi. Kgosi ya ya go tlhola Daniele. Ya fitlhelo Daniele a sa ntse a tshela, ditau di sa mo dira sepe.

Daniele baka Modimo gone o go babaletse!

Gonne Daniele o ne a obamela melao ya ga Modimo e e kwadilweng mo Lefokong la Modimo, Modimo o ile a mo sireletsa, a bolokesega.

Le a itse gore go ile ga diragala eng ka banna ba ba lekileng go bolaisa Daniele?

Kgosi e ile ya ba latlhela mo teng ga mosima wa ditau, ba jewa ke ditau!

Kgosi, latlhela banna ba dipelo tse di maswe mo teng ga mosima wa ditau.

# THUTO:

## KE ENG GO LE BOTLHOKWA GO OBAMELA MELAO YA MODIMO?

### MELAO O E DIRETSE RONA

- Modimo o siame
- Ke ene yo o itseng go re feta
- O re neela melao go re sireletsa

*Bolela polelo ya go aga ntlo mo lefikeng (Mathaio 7)*

Re aga ntlo ya rona ko godimo ga lefika fa re obamela melao ya Modimo le fa dilo di ka nna thata, re tlaa tiiya.

### GO OBAMELA MELAO YA MODIMO GO MO SUPEGETSA GORE RE A MO RATA

Bulang ditemana tse di latelang (wena, ga mmogo le bana)

Johane 14:21

1 Johane 2:5

Bua le bone, e bile o ba tlhalosetse gore ditemana tse di raya eng.  
Fa o obamela melao yo batsadi ba gago, wa bo o ba supegetsa lorato le tlotlo.  
Ka jalo, fa o dira se Modimo a se go bolelelang gore o se dire, o a bo o mo supegetsa lorato.

### GO OBAMELA MELAO YA MODIMO GO RE TLISETSA DITUELO LE DITSHEGOFATSO

*Baefeso 6:1 Bana, utlwang batsadi ba lona mo Moreneng, gonne mo, go siame.*

- Modimo a re o ngwana wa gagwe gonne o dumela mo go Ene.
- Gonne O go rata jaaka ngwana wa gagwe, Modimo o batla go go segofatsa
- Dikgoro tsa ditshegofatso di a bulega fa re obamela melao ya gagwe.

Jeremia 7:23

*Balela bana poko e e latelang*

Pesalema 50:10

*O ruile dikgomo kwa godimo ga dithaba tse di sekete.  
Khumo ko moepong yotlhe.  
Ke mong wa dinoka, le matlapa le di nokanyana.  
Le letsatsi le dinaledi tse di phatsimang.*

*Lohumo, ke palelwa ke go bolela.  
Ke tsa ga Rara ka jalo le nna ke tsa me.  
O ruile dikgomo ko godimo ga dithaba tse di sekete.  
Ke a itse gore O tlaa ntlhokomela.  
(Ke pina e e kwadilweng ke John W. Peterson)*

- Poko e e ya reng ka Modimo?
- Ka jalo, fa e le gore Modimo ke mong wa dilo tse **tsotlhe**, o ka re neela ditshegofatso tse di ntseng jang?
- O ka re neela ditshegofatso tse di gakgamatsang!
- Sengwe le sengwe ke sa ga Modimo – ga a palelwe ke sepe!
- Jošua 1:7 ya re o nne maatla gore o kgone go sala morago melao ya Modimo
- Fa o ka tsweledisa go dira jaana, o tlaa tswelela gongwe le gongwe ko o o go yang.
- Lefoko le la “tswelelo” le raya go reng?
- Le raya gore re tlaa bona tswelelopele le phenyo.
- Modimo o a re tshepisa gore fa re ka obamela melao ya Gagwe, re tlaa ipona re diragalelwa de dilo tse di gakgamatsang.
- Re tlaa atlega mo matshelong a rona, re nne le botshelo jo bo monate.

## DIPOTSO:

Mpolelelang mabaka a le mararo a gore ke ka go reng go tlhokagala gore re bake Modimo?

Ke eng Modimo a re diretse melao?

Re diragalelwa ke eng fa re obamela melao ya Modimo?

Temana ya tlhogo ya rona ya gompiano ya reng?

Polelo ya ntlo e e agilweng ko godimo ga lefika e tshwana jang le fa rona re obamela melao ya Modimo?

Daniele e ne e le mang?

Ko o Daniele a neng a nna teng batho ba teng ba ne ba ntse jang?

Kgosi e ile ya bolelela Daniele gore o tshwanetse go dira eng?

Daniele a bo a dira eng?

Ke ka go reng fa Daniele a e le a latlhelwa mo teng ga serubi sa ditau?

Ke eng se Modimo a e leng a se direla Daniele?

Se lebaleng, ke eng se se diragalang fa re obamela melao ya Modimo? Fa ke obamela melao ya Modimo, ke a segofadiwa!